

Канон пред иконой Пресвятой Богородицы «Млекопитательница»

Память празднуем 12 (25) января

Тропарь, глас 3-й

Без семене от Божественнаго Духа, волею же Отчею зачала еси Сына Божия, от Отца без матере прежде век суща, нас же ради из Тебе без отца бывша, плотию родила еси и Младенца млеко́м питала еси, темже не престай моли́ти изба́виться от бед душам нашим.

Канон, глас 8-й

Песнь 1

Ирмос: Во́ду проше́д, яко́ су́шу, и египетскаго зла избежа́в, израильтянин вопия́ше: Изба́вителю и Бо́гу нашему по́йм.

Припев: Пресвята́я Богоро́дице, спаси́ нас.

Во́дою моли́тв Твои́х, Де́во, ороси́ нас к плодоно́сию духо́вному и воспламени́ хла́дное наше́ се́рдце Божественно́ю любо́вию да Тебе́, Млекопита́тельнице Пита́теля нашего́, пе́ние хвале́бное воспо́йм досто́йно, Чи́стая.

Пресвята́я Богоро́дице, спаси́ нас.

Во́ды стра́стных помышле́ний обурева́ют нас, Госпоже́ Всеблага́я, но ина́го приста́нища ко спасе́нию не има́мы, то́кмо Тебе́, Всенепоро́чная, млекопита́вшая Спа́са душ наших и от ико́ны Твое́я святы́я всем да́рующая утеше́ние.

Слава: Во́ду непостоя́нную житейских трево́лнений преи́ти безбе́дно помози́ нам, Чи́стая, и от лю́тых неду́гов исцеле́ние нам пода́ждь, Млекопита́тельнице Свята́я, и покажи́ прича́стники нас бы́ти насле́дия Небе́снаго, Богоневе́стная.

И ныне: Во́ды целе́бныя источа́ет нам ико́на Тво́я всечестна́я, Богоро́дице Де́во, и стра́сти много́различныя исцеля́ет и по́мощь в беда́х ве́рным от Тебе́ подае́т, да сла́вим чудеса́ Тво́я и поём Тя, благо́их вино́вную, воплоти́вшую и дои́вшую Богомладе́нца Иису́са.

Песнь 3

Ирмос: Небе́снаго кру́га Верхотво́рче, Го́споди, и Це́ркве Зижди́телю, Ты мене́ утверди́ в любви́ Твое́й, желаний кра́ю, ве́рных утвержде́ние, Еди́не Человеколю́бче.

Пресвята́я Богоро́дице, спаси́ нас.

Небе́сных ра́дование и земных упова́ние еси́, Богоро́дице Де́во, све́тлая пала́то Царя́ царей, млекопита́вшая Его́ от сосцу́ Твое́ю. Того́ у́бо моли́ приле́жно с вели́ким Предте́чею Иоа́нном и Чудотво́рцем Никола́ем спасти́ и просвети́ти души́ наша́, Еди́на Всеблагослове́нная.

Пресвята́я Богоро́дице, спаси́ нас.

Небе́с превы́шшая, и зе́млю Рожде́ством Твои́м освяти́вшая, и млекопита́вшая Зижди́теля Твоего́, Богоневе́сто Мари́е, ико́ною сла́дкаго

подобия Твоего нас утешаеши и недужным исцеление подаеши, Единая Пречистая.

Слава: Небесная Царице, Всемилостивая Владычице, нетленно родившая и доившая святых Святейшее Слово, кую достойную похвалу принесем Ти, недостойнии, аще не Самá Ты научиши нас неосужденно славить Тя и пети Твоя чудеса, Единая Всеблаженная.

И ныне: Небесное Ангельское славословие слышиши, Госпоже, в Сионе Горнем, отонудуже нас, дольних, матерним Твоим оком назираеши и вину молиши за нас Сына Твоего и Бога, да вечнаго избегнем осуждения, Единая Пренепорочная.

Господи, помилуй (*трижды*). Слава, и ныне:

Седален, глас 8-й

Величия Твоя кто исповест, Богородице? Прославлением бо чудотворных иконы Твоей Млекопитательницы возвеселила еси души православных, многия недуги тою врачующи и от всяких бед избавляющи, иже по Бозе упование на Тя возлагающих, о Владычице Всемилостивая, и нас Твоего заступления не лишь, обитель же нашу от всякаго зла сохрани, да, Тобою хвалящися, не постыдимся во веки.

Песнь 4

Ирмос: Услышах, Господи, смотрения Твоего таинство, разумех дела Твоя и прославих Твое Божество.

Пресвятая Богородице, спаси нас.

Услыши гласы наша хвалебныя, Богородице Преплагая, и наше поклонение приими, пред святою иконою Твоею днесь приносимое: видим бо Тя на иконе, Спаса Христа млекопитающую, и радуемся, грешнии, рождагося от Тебе Бога славяще.

Пресвятая Богородице, спаси нас.

Услышала еси, Пречистая Владычице, благовещение Архангелово: радуйся, Благодатная, Господь с Тобою, и зачала еси во утробе Твоей предвечнаго Бога, Егоже нетленно рождши, млеком Твоим яко Младенца питала еси во спасение наше.

Слава: Услыша первосвятитель Сербский Савва завет великаго во отцех Саввы Освященнаго о святей иконе Твоей Млекопитательнице, Богородице Дево, и прият ю со благоговением, яко залог Твоего благоволения, Преплагая.

И ныне: Услышаша иноцы Святыя Горы Афонския, яко святая икона Твоя Млекопитательница от Иерусалима к ним приносится, о Мати Слова и Дево, и, радостию славяще и поюще многопетое Твое имя, потекоса во сречение ей.

Песнь 5

Ирмос: Просвети нас повелении Твоими, Господи, и мышцею Твоею высокою Твой мир подаждь нам, Человеколюбче.

Пресвятая Богородице, спаси нас.

Просвети нас, грехами потемненных, Владычице, сиянием Божией благодати и сподоби чисто зрети святою Твою икону и на ней чудо чудес благоговейно созерцати, сие есть Творца вселенных яко Младенца, от сосцу Твоею

питаемаго.

Пресвятая Богородице, спаси нас.

Просвещение и спасение на Тя надеющихся, Богородице Дево, облагодати наш помысл достойно славити Тя и пети Твоя чудеса, яже от иконы Твоея, Млекопитательница именуемая, явила еси и присно являеши во утешение и спасение наше.

Слава: Просветивый небо солнцем и земли основание утвердивый Словом Своим, Зиждитель всяческих во утробе Твоей, Пречистая, не тесновместися и от сосцү Твоею яко Младенец питаешся, нам же святую икону Твою источник чудес дарова, Преблагая.

И ныне: Просветися Божественною благодатию обитель великаго пророка и Боговидца Илий, икону Твою, Богомати Владычице, в наследие себе приемши, сию убо и мы достождным поклонением почитаем и Тя, Предстательницу нашу, в песнях немолчно ублажаем.

Песнь 6

Ирмос: Молитву пролию ко Господу и Тому возведу печали моя, яко зол душа моя исполнися и живот мой аду приближися, и молюся, яко Иона: от тли, Бже, возведи мя.

Пресвятая Богородице, спаси нас.

Молитвы множайшия здесь, пред иконою Владычицы, возносятся, егда сия в православную Россию от Святыя Горы иноками обители Ильинския принесеса, верным во утешение и в радость нескончаемую.

Пресвятая Богородице, спаси нас.

Молитву всяк приносяй Тебе с верою и любовию пред пречистым образом Твоим, Богородице Преблагая, не услышан от Тебе отыдет, всем бо вся благая даруеши, яко Бога и Питательнице Питателя вселенных.

Слава: Молитвенно Тя славим, Пречистая Млекопитательнице, и, с любовию припадающе к многоцелебному Твоему образу, сердцем и усты сей целуем, видяще в нем залог благодатный Твоего к нам матеряго благоволения.

И ныне: Молитися всегда усердно желание подаждь нам, Преблагая Владычице, вся бо можеш яко Мати и Млекопитательница воплотившагося Бога, Егоже милостива нам сотвори всеильным предстательством Твоим и не попусти до конца погибнути рабом Твоим.

Господи, помилуй (*трижды*). Слава, и ныне:

Кондак, глас 5-й

Душ наших чувства очистивше, узрим на иконе таинство преславное, Творца Вселенных и Господа Вышних Сил, во объятиях держима и от сосцү Твоею яко Младенца питаема, и, со страхом и радостию поклоняющеса Тебе и рождемуса от Тебе Спасу нашему, воззовем: радуйся, Владычице, жизни нашея Питательнице.

Икос

Архангельское целование услышала еси, Приснодево, и в чистоте девственной Бога зачала и Христа безболезненно родила еси, Егоже яко Младенца от сосцү Твоею млекопитала еси, Ангелы и человеки величием Твоих добродетелей удивила еси. Темже ублажаем Тя, истинную Богородицу,

возвеличившую наше естество и милосердием неизреченным на род христианский призирающую. Темже умиленно зовем Ти: радуйся, Владычице, Питательнице жизни нашей.

Песнь 7

Ирмос: От Иудеи дошедше, отроцы в Вавилоне иногда верою Тройческою пламень пещный попраша, поюще: отцев Боже, благословен еси.

Пресвятая Богородице, спаси нас.

От святого чудотворного образа Твоего, Богородице Дево, Млекопитательнице Спаса нашего, струи исцелений истекают и воня животная благоухает, еюже мертвость греховная душ наших потребляется и плодородие духовное подается зовущим: отцев Боже, благословен еси (дважды).

Слава: От Иерусалима на Святую Гору Афонскую икона Твоя благодатная, именуемая Млекопитательница, Богомати Владычице, принесется во изъявление благоволения Твоего к избранному Тобою жребию на земли, егоже насельницы гласы немолчными воспевают Сыну Твоему: отцев Боже, благословен еси.

И ныне: От глубины зол многих к Тебе припадаем, о Мати, Млекопитательнице Слова и Дево, и молимся прилежно, Твою благодатную помощь нам подаждь и не попусти погибнути нам до конца, но спаси нас десницею Твоею и воздвигни пети всех Творцу: отцев Боже, благословен еси.

Песнь 8

Ирмос: Царя Небесного, Егоже поют вси Ангельстии, хвалите и превозносите во вся веки.

Пресвятая Богородице, спаси нас.

Царя Небесного и земли воплотила еси, Богородице, от девственных кровей Твоих багрянцу плоти Ему исткавши и яко Младенца от сосц Твоею Того млекопитавши, истинного Бога и Человека, хвалимаго и превозносимаго во вся веки.

Пресвятая Богородице, спаси нас.

Царице наша Преподобная и Заступнице, Пресвятая Мати Господа Вышних Сил, с ними моли Его прилежно мир миру даровати, плодородие земли и всем нам здравие и спасение, да хвалим и превозносим Его во вся веки.

Слава: Царство и Господство дарова Тебе, Богородице Марие, Сын Твой и Бог, царствуеши бо с Ним вечно и покрываеши люди, честною Его Кровию искупленные, иже славят многопетое имя Твое и с верою поклоняются чудотворному Твоему образу, Млекопитательнице, хваляще и превозносяще прославльшаго Тя Господа во веки.

И ныне: Царя Небесного безплотных слуги ужасает, Богородице, тайны Твоей глубина, бесы же смущает Твоя икона, именуемая Млекопитательница, ейже мы кланяемся, чтущее Тя, Божию Матерь.

Песнь 9

Ирмос: Воистинну Богородицу, Тя исповедуем, спасеннии Тобою, Дево Чистая, с Безплотными лики Тя величающе.

Пресвятая Богородице, спаси нас.

Воистинну никтоже, притекаяй к Тебе молитвенно, тощ от Тебе исходит,

Пречистая Богородице Дѣво, всех бо Ты милуеши и ущедряеши, яко любоблагодутрѣбная Мати, Млекопитательнице Спаса нашего, темже, вси роди земнии, благодарно Тя величаем.

Пресвятая Богородице, спаси нас.

Воистинну залогъ благодатный явися святая Твоя и чудотворная икона, Богородице, Млекопитательнице Преплагая, на нюже взирающе, сияние Божией благодати в души наша невидимо приемлем и по долгу песньми хвалѣбными Тя величаем.

Слава: Воистинну щит и покровъ обители нашей святая икона Твоя дадеся, Преплагая Дѣво, Млекопитательнице, сию убо с любовью объѣмлюще, сердцем и усты целуем и Тя, Благодетельницу нашу, непрестанно величаем.

И ныне: Воистинну всех святыхъ выше еси, Богородице Дѣво, рождающая Святѣйшее Слово и млекопитающая яко Младенца воплощеннаго Бога, нас ради Человека бывша, да избавитъ падшій родъ человеческий отъ погѣбели вѣчныя. Темже Тя, яко Виновницу спасения нашего, немолчно величаем.